



UPA 2015/73
Justus Hansen
10. marts 2015

Uunga siunnersuut: Umiarsualiviit pillugit Inatsisartut inatsisaat nr. xx, xx. xx 2015-imeersoq.

(Ineqarnermut, Sanaartornermut Attaveqatigiinnermullu Naalakkersuisoq)
(Siullermeenera)

Demokraatini tunngaviusumik una siunnersuut iluarisimaarparput, uangutsinnullu pingaaruteqarpoq, inatsisip namminersortunut inuussutissarsiortunut akornngusiinnnginnissaa kiisalu Namminersorlutik Oqartussanit pigineqartoq suliffeqarfik Roayl Arctic Line allanut ingerlatserusussinnaasunut naleqqiullugu unammilleqatigiinnikkut iluaqutserneqassanngitsoq.

Apeqqutillu makku saqqummerput Naalakkersuisunut akeqquneqartut suliap aappassaaneerneqannginnerani:

1. Matumani siunnersuummi qanoq ililluni qulakkeerneqassava ilumoortumik assigiimmillu unammilleqatigiittoqarnissaa, umiarsualivinnik ingerlatsineq eqqarsaatigalugu?
2. Qanoq iliorluni Naalakkersuisup qularnaarniarpaat, atuisut akiliutigisartagaat ima annertussuseqassasoq, inuussutissarsiortunut sinaakkutit qulakkeerneqassallutik peqataanillu umiarsualiviit pitsaasumik ataavartumillu aserfallattaalineqarnissaat qulakkeerneqassalluni?
3. Qanoq iliorlutik Naalakkersuisut qularnaarniarpaat, akit akillu tunngaviisa umiarsualiviit akornanni unammilleqatigiinnermut akornusiissanngitsut aamma qanoq iliorluni qularnaarneqarniarpa, § 16 imm. 3 naapertorlugu Naalakkersuisut imminnut pisinnaatitsissummik tuninerminnik atornerluinnginnissaat, aalajangersagaq taanna naapertorlugu Naalakkersuisut akit akillu tunngaviisa allannngortinnissaannut piumasaqarsinnaatitaammata.

Demokraatini qilanaarpugut tamakkiisumik akineqarnissatsinnnut - ajornanngippat naqitanngorlugu.

Uangutsinnut pingaaruteqarpoq inatsisimik unammilleqatigiinnermut ajoqusiinnnginnissaa, umiarsualiviit ataasiakkaat ingerlannerat eqqarsaatigalugu taamatullu aamma siunnersuutip kinguneranik namminersorlutik inuussutissarsiortut atugaaat unammillersinnaanerallu akornnguserneqassanngitsut.

Taamatut oqaaseqarluta siunnersuut Sanaartornermut ataatsimiititaliamut innersuupparput.